

FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 237 · 11 JUNIE 2021

Kontakbesonderhede: mediasentrum@framesby.co.za

UIT DIE HOOF SE KANTOOR

Beste Ouers

Ek wil begin deur ons Hemelse Vader te bedank dat hy so mooi na die Framesby-familie kyk. Alle eer aan Hom!

Ek wil graag die volgende belangrike sake onder u aandag bring:

A) COVID 19

Ons het tans elf positiewe Covid-gevalle in die skool. Hierdie gevalle wat aangemeld word, is dikwels toe te skryf aan faktore buite die skoolomgewing. U, as ouers, sal indringend met u kind(ers) móét gesels oor hul sosiale gedrag. Ek pleit by u dat u hieraan aandag sal gee.

Die nakoming van die Covid-regulasies is van uiterste belang. Om hierdie rede moet u die volgende vier punte deeglik met u kind kommunikeer:

- Dra van maskers.
- Sanitering van hande.
- Sosiale distansiëring.
- Sosiale gedrag.

Ons moet dit ook onder ons leerders se aandag bring dat die nakoming van hierdie maatreëls juis die personeel én ouers beskerm. Kom ons motiveer hulle om hierby te hou.

B) ASSESSERINGSROOSTER

Hoërskool Framesby begin dan amptelik Vrydag 11 Junie 2021 met assessering. Ons tree in opdrag van die Minister van Basiese Onderwys op en sal dus nie afwyk van haar opdrag nie. Ouers, hierin lê ook 'n belangrike lewensles dat ons opdragte, soos aan ons deurgegee, moet eerbiedig.

Die assessering sal in die oggende afgelê word en daarna sal die skool normaal met onderrig voortgaan. Dit is dus belangrik dat die leerders voltyds by die skool moet wees.

Vind aangeheg die nuwe assesseringsrooster.

Toerisme graad 12-kandidate sal op 5 en 6 Julie hul praktiese assesseringstaak onder eksamen omstandighede aflê.

C) 10 JUNIE 2021 – 9 JULIE 2021 – VERKORTE SKOOLDAG

As gevolg van leerders wat moet voorberei vir die assesseringsrooster, sal die skool vanaf 10 Junie 2021 tot en met 9 Julie 2021 om 13:00 sluit. U kan u reëlins daarvolgens beplan.

D) KONSESSIES

Goedgekeurde leerders wat vir transkripsie(scribe) kwalifiseer, mag hiervan in die assesseringsrooster gebruik maak.

**HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE**



Centre Management:
041 360 9442



Kragga Kamma Road,
Sunridge Park



GENERATED POWER 24/7



E) AFWESIGHEID TYDENS ASSESSERINGSROOSTER

Ek bring dit net wéér onder u aandag: indien 'n leerder tydens die skryf van die assessering afwesig is, moet 'n mediese sertifikaat/kliniekbrief ingedien word. Indien dit nie gebeur nie, ontvang leerder 'n 0 vir die betrokke vak.

Indien 'n leerder Covid-positief is, moet die positiewe uitslag dadelik onder die aandag van ons graadhoofde gebring word. Indien 'n leerder in isolasie is, moet dit ook dadelik onder die aandag van ons graadhoofde gebring word.

In beide gevalle sal leerders 'n afwesig ontvang. Hulle sal beslis nie benadeel word nie. U kan die graadhoofde by die volgende e-posadresse hiervan in kennis stel:

Gr.8: heidistrauss88@gmail.com

Gr.9: fvdwalt@framesby.co.za

Gr.10: jeanette.schoeman@yahoo.com

Gr. 11: Ischelbert@framesby.co.za

Gr.12: smit.pc@gmail.com

F)WERKSAFBAKENING

Leerders sal die werksafbakening vir die assesseringsrooster op 8 en 9 Junie ontvang. Leerders moet hulle hiervolgens voorberei.

G)GRAAD 8 EN 9

Graad 8- en 9-leerders sal steeds op 'n rotasiebasis die skoolprogram volg. Een dag die kritte en die volgende dag die visse. Sien die aangehegte kwartaalprogram.

Alle graad 8- en 9-leerders volg egter ook die assesseringsrooster. Die dag waarop assessering geskied vir die groep wat nié by die skool vir onderrig is nie, voltooi hul net dan die assessering en gaan huis toe.

H)BYKOMENDE LEESKLASSE VIR GRAAD 8 EN 9 LEERDERS

Alle bykomende graad 8- en 9-leesklasse sal nié gedurende assessering in die middag voortgaan nie. Dit is om ons graad 8- en 9-leerders die beste geleentheid te bied om hulle voor te berei vir assessering.

I)BUIITEMUURS

Alle buitemuurse bedrywighede [kultuur en sport] sal nie voortgaan nie; tensy anders deur die onderskeie afrigters gereël.

J)LEERDERS WAT VIR EKSTRA TYD KWALIFISEER

Goedgekeurde leerders meld om 07:00 by voorlesingslokaal aan om hul assessering af te lê. Leerders sal om 07:15 begin skryf. Ons vra leerders en ouers se samewerking in hierdie verband.

Ek bied my verskoning vir enige ongerief wat hierdie veranderings op kort kennisgewing kon veroorsaak, aan. Ek hoop u sal verstaan.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete,



M. Germishuys
Skoolhoof



Handhaaf en Bou

KWARTAAL 2
ASSESSERINGSROOSTER GR. 8-12
11 JUNIE - 2 JULIE 2021


Datum	Gr. 12	Gr. 11	Gr. 10	Gr. 9	Gr. 8
11 Junie Vrydag	Afr. V2 125 min	Afr. V2 125 min	Afr. V2 125 min		
14 Junie Maandag	FW Fisika 90 min	BS 90 min	Rek 90 min	SKM / SKD 40 min	SKM / SKD 40 min
15 Junie Dinsdag	RTT(CAT) Teorie 50 min IT Prakties 60 min	Eng HL Lit. 90 min Eng FAL Assign. 45 min	Eng HL Lit. 90 min Eng FAL Assign. 45 min	LO 65 min	LO 65 min
16 Junie	JEUGDAG				
17 Junie Donderdag	VBS 90 min	LO 120 min	Drama 120 min IT (Teorie en Prakties) 120 min	Tegnologie 50 min	Tegnologie 50 min
18 Junie Vrydag	Afr. V1 45 min	Eng HL Essay 90 min Eng FAL Test 45 min	Eng HL Essay 90 min Eng FAL Test 45 min	LW 40 min	
21 Junie Maandag	Wisk V1 / WG 90 min	FW Drama 120 min	LO 120 min	Geskiedenis 90 min	Afr. 90 min
22 Junie Dinsdag	Eng HL / FAL 90 min	Geografie 60 min	Toerisme 75 min	EBW 60 min	LW 35 min
23 Junie Woensdag	LW 80 min	IGO 90 min	Geografie 60 min	Wisk 90 min	
24 Junie Donderdag		Wisk / WG 90 min	VBS 75 min		Wisk 75 min
25 Junie Vrydag	Rek 90 min	RTT(CAT) Prakties 120 min	FW 120 min	Eng HL / FAL 120 min	Geografie 80 min
28 Junie Maandag	IGO 120 min	Toerisme 75 min	LW 50 min	Afr. 120 min	Eng HL / FAL 90 min
29 Junie Dinsdag	FW Chemie 90 min	VBS 75 min	Wisk / WG 90 min		EBW 60 min
30 Junie Woensdag		LW 50 min	RTT(CAT) Prakties 120 min	Geografie 80 min	FW 40 min
1 Julie Donderdag	Wisk V2 90 min	Rek 90 min	BS 90 min		Geskiedenis 90 min
2 Julie Vrydag	Afr. Letterk. (Taak 7) 70 min	IT Prakt. 60 min	IGO 90 min	FW 45 min	
5 Julie Maandag	Toerisme PAT 2 ure skryf 30 min pouse 2 ure skryf SAAL	Hierdie TWEE datums vir gr. 12 Toerisme is afhanklik van die datum waarop Framesby die PAT-taak ontvang en dit mag moontlik skuif tot selfs die laaste 9 Julie. Alle Toerisme-leerders moet seker maak dat hul geen ander afsprake buite skool vir die laaste week van die kwartaal maak nie. Hierdie PAT moet onder eksamenomstandighede voltooi word en tel vir die einde van die jaar se punte.			
6 Julie Dinsdag	Toerisme PAT 2 ure skryf 30 min pouse 2 ure skryf SAAL				

TWEEKAMP

Sterkte aan al ons atlete wat Saterdag, 12 Junie aan die Eastern Cape World Schools Biathlon/Modern Biathlon Championships deelneem. Dit begin omstreeks 08:00 by die Westbourne Oval en Newton Park Swembad.

ONS GROET VIR JUF. DU PLESSIS

Mev. Lana du Plessis het in April 2020 by Hoërskool Framesby se Afrikaans Departement aangesluit. Sy en haar gesin het drie jaar lank voor die COVID-pandemie as sendelinge in China gewoon en bedien. Mev. Du Plessis het 'n departementele aanstelling by 'n skool vir leerders met spesiale onderrigbehoefte gekry en sy verlaat ongelukkig die Framesby-familie. Die leerders van ons skool het diep in haar hart gekruip en sy neem met 'n swaar hart afskeid.



ONS VERWELKOM MNR. BOSCH

Ons verwelkom vir mnr. Phillip Bosch wat by ons vir die volgende vier weke aflos.

Ons gesels met mnr. Bosch:

Onderwyservaring: Huidig is hy in sy 30ste jaar van onderwys. Sy vorige skole sluit in: Hankey Primer (1992 – 2002), Laerskool Charlo (2002 – 2017) en Bonzai Laerskool (2018 - 2021).



Belangstellings: Hy is 'n passievolle Christen, met goeie waardes en beginsels. Hy is passievol oor kinders en wil graag elke dag 'n verskil in iemand se lewe maak. Baie van die kinders wat in die laerskool by hom klas gehad het, is tans in Framesby. Mnr. Bosch hou baie van die buitelewe. Hy stel belang in enige sport, maar rugby bly sy gunsteling.

Posisies in rugby tans: Voorsitter van O.P. Laerskole Rugby en ook voorsitter van O.P. Senior Skeidsregtersvereniging. Hy is ook lid van O.P. Senior Rugby Bestuur en ook koördineerder van Suidelike Streek: Laerskole Skeidsregtersvereniging.

Posisie by Hoërskool Framesby tans: Voogonderwyser vir 9F (Huis Vis). Verantwoordelik vir die aanbied van Afrikaans Huistaal vir die volgende grade: 8B, 8F, 9B, 9H en 10D. Hy het amptelik op 10 Junie 2021 in die aflospos begin.

FRAMESBY KAFETERIA MAAK BINNEKORT OOP!

**AUGUSTUS
2021**



FRAMESBY KLEREWINKEL

DAAGLIKS OOP

VAN 08:00 - 10:00

PUMA
“HOODIE”
R700



Hoërskool Framesby

DIE PLEK OM TE WEES!



STUDENTESENTRUM
25 JULIE 2021

Waardegedrewe skool wat spog met uitnemende sport, kultuur en akademie.

BUSDIENS VANAF 2022

Private en veilige busdiens, Maandae tot Vrydae vanaf Uitenhage/Despatch na Hoërskool Framesby. Die bus vertrek soggens en laai die leerders na sport- en kultuuroefeninge af. Vanaf R1 600 tot R2 000 p.m.

NUWE VAKKE OP DIE HORISON

Die afgelope tien jaar spog Framesby met 'n slaagsyfer van 98,9%. In 2020 spog die skool met 'n 99%-slaagsyfer, 95% van die matriekgroep kan verder aan 'n tersiëre instelling gaan studeer waarvan 83% graadstudies kan volg en 12% kwalifiseer vir diplomastudies. Ons top student spog met 'n gemiddeld van 92,3% en sewe onderskeidings. Sy is ook aangewys as die derde beste leerder in die Port Elizabeth-distrik en het 'n volle beurs vir die duur van haar studies by die premierskantoor ontvang. Die volgende vakke is op die horison: Landbou, Kodering, Robotika en Visuele Kuns.

VOLG ONS OP



Vir verdere besonderhede kontak die hoof by 062 251 8966

041 360 1257 | skoolhoof@framesby.co.za | www.framesby.co.za

STUDENTESEENTRUM VORDERING:



EINDPRODUK




INGEBRUIKNEMING: 26 Julie 2021

FRAMESBY OUDSKOLIERE



ONS GESELS MET: LOUIS VAN DER WATT



Louis van der Watt

Louis het in 1975 aan Framesby gematrikuleer.

Op akademiese gebied het ek in al my vakke onderskeidings ontvang. Ek was ook tweede op die destydse Matriek-Merietelys van die Kaapprovinsie en Suidwes-Afrika. (Interessant: 'n vorige klasmaat van my in Framesby, Michelle de Kock, wie se gesin Kaapstad toe getrek het en wat daar in Jan van Riebeeck in matriek was, het 4de op die Merietelys gestaan.) Ek ontvang 'n goue medalje van die Stadsraad van Port Elizabeth omdat ek die Baai "op die map" geplaas het.

Op die kulturele gebied was Louis, konsertmeester van die skoolorkes. Lid van UPE Strykorkes en dirigent van UPE Junior Strykorkes. Hy was ook lid van die skoolkoor (ek was in St. 9 toe Juanita Lamprecht as "fresh-faced" skooljuffroutjie daar aangekom het en die koor oorgeneem het). Hy was twee jaar lank lid van die P.E. Junior Stadsraad en in sy tweede jaar was hy komiteevoorsitter.

Louis het ook op die sportveld uitgeblink en was 'n Oostelike Provinsie atleet in Landloop. Hy was ook kaptein van een van die O.P. landloopspanne.

Ek onthou die volgende van die kool:

1. Die Skoolhoof, mnr Dirk ("Dirgk") Visser met sy Sandveldse bry. Hy was 'n uitstekende

Wiskunde-onderwyser. Sy leerlinge het altyd besonder goed in die Matriek-eindeksamen gedoen, maar hy het al ons toetse/eksamens so opgestel dat jy nie genoeg tyd gehad het om klaar te kry nie. Ek het jare daarna nog somtyds gedroom hoe ek 'n Wiskundetoets skryf en nie betyds kan klaarkry nie! Sy dogter, Mariana Visser was in my klas.

2. Die aaklige moord op Framesby se Engelsonderwyseres, Mrs Green, in 1975. Sy en my meisie, Lettie Visser, wat twee jaar vantevore [1974] hoofmeisie van Framesby was, was baie na aan mekaar. Dit was vir Lettie baie traumaties. Daar was nog 'n berig in die Engelse koerant nadat hulle o.a. met Lettie 'n onderhoud gevoer het; die opskrif was "P.E. Victim had Zest for Life".

3. My Afrikaans-juffrou in standerd 8, juffrou Delport. Sy was ook "vars" uit universiteit/kollege (ek dink sy was in Afrikaans Hoër Meisieskool in Pretoria). Sy het altyd 'n lang enkelvlegsels (swart) gedra. Sy het vir my menswees baie beteken.

4. En dan het ons die ongelooflike voorreg gehad om die digter en skrywer George Weideman in st. 9 en matriek as Afrikaans-onderwyser te hê. (Hy was natuurlik nie aanvaar deur die "establishment" nie, want hy was 'n vriend en ondersteuner van Breyten Breytenbach wat daardie jare deur die regering ingeperk was. Hy was elke oggend vroeg (07.00) reeds in die klaskamer, besig met voorbereiding.

5. My Musiek-juffrou, juffrou Bettie Ferreira. 'n Brilljante pianis en musikus. Haar dogter Mariaan was 'n klasmaat van my.

6. Klasmaats van my soos Ludi Venter, Francois Vrey, Emmerentia Ott ("Otjie"), Seugnet Alberts.

7. Leonie Joubert, 'n meisie in standard 6 op wie ek mal verlief was (hahaha... tyd vir "true confessions"!)

8. 1973, die jaar toe Framesby as jong skooltjie die eerste keer die Atletiek-Interskole gewen het teen skole soos Pearson en Andrew Rabie. (Ek het daardie Vrydagaand die 800m gewen. Nog op die destydse "Eastbourne Oval" asbaan in Sentraal - dit bly een van my goue herinnerings.)

Ek moet dalk ter agtergrond (baie interessant) vir jou die volgende vertel: ek het van die Vrystaat gekom. Ons het viol by Jack de Wet in Bloemfontein geneem. Baie van die Vrystaters het honderde kilometers elke week Bloemfontein toe gery vir les by hom (ek en my broer het 320km heen en terug vanaf Odendaalsrus gery. Morne Bezuidenhoud en Bartel Pieterse vanaf Welkom het 300km heen en terug gery. Toe Jack De Wet die professoraat by UPE kry, het ses Vrystaters hom "gevolg" - ek, my broer Danellus (Matriek 1976) en vier ander Vrystaters het toe vir 'n jaar in 'n losieshuis van die Universiteit ("The Cloisters", Museumstaat, Sentraal) gebly.



Ek het agt grade na skool behaal: eers UVS (BA en Hons BA), toe US (BTh en Lis Teol) toe UNISA (BMus), en toe weer US (Hons BMus), MMus (2011) , en laastens 'n PhD (2020).

Ek was Departementshoof: Strykers by musieksentrum Hugo Lambrechts (een van die WKOD se Musieksentrums), vanaf 1986.

Sedert 2000 is ek verbonde aan die US. Tans is ek senior lektor aan die Konservatorium (Musiekdepartement). Ek gee viool en altviool prakties, asook teoretiese klasse, en is gasdirigent vir die US Simfonieorkes. Ek was 23 jaar lank dirigent van die Canticum Novum Koor, die ou Stellenbosse Studentekerkkoor (LW nie Universiteitskoor nie).

Ek is eksaminator vir UNISA (alle instrumente) en eksterne eksaminator (Strykers) by UCT, NMMU, UVS, NWU en die Windhoek Konservatorium. Ek tree ook landswyd as beoordelaar in Koor- asook instrumentale kompetisies en kunswedstryde op.

Ek was 'n alleenloper totdat ek in "beseringstyd" met Marike getroud is. Sy is tans besig met haar doktoraal in Vertaalstudies aan die US en aan die Katholieke Universiteit Leuven (Belgie). Ons het drie wonderlike kinders; Elsa-Marié, wat Orrel, Viool en Klavier neem en 11 Matriekvakke het, Jani in Gr 11 (Tjello en Klavier) - albei in Bloemhof Meisieskool - en Steyn (Gr 8) - gelukkig is hy sportief (en skree soos ek vir die Cheetahs!).

KONTAK ONS GERUS

Framesby spog met soveel oudskoliere wat naskool presteer. Indien jy van iemand weet en graag die persoon vir volgende week se Oudskoliere-berig wil nomineer, kontak ons gerus: mediasentrum@framesby.co.za. Ons wil graag berigte plaas van al ons oudskoliere, maar benodig hul selfoonnommer/e-posadres om kontak te maak. Omdat die skool nie altyd in kennis gestel word van prestasies nie, is die skool nie bewus daarvan nie. Ons weet daar is maar min mense wat iets oor hulself sal instuur, dus vra ons dat indien u van iemand weet wat presteer het, u ons sal kontak. Framesby is trots op al hul oudleerders en wil graag spog met almal se prestasies.

OUDSKOLIERE NUUS



Baie geluk aan oudskolier, Brandon Wilkie, wat in die SA o/20 Junior Bokspan opgeneem is. Hulle gaan op 18,23,28 Junie, asook 3 Julie internasionale wedstryde teen Uruguay, Argentinië en Georgia speel. Wat dié prestasie nog meer indrukwekkend maak, is dat Brandon nog vanjaar o/19 is.

REÜNIES 2021

Op die stadium word daar geen funksies a.g.v. Covid op ons skoolterrein gehou nie. Ons sal reünie-groepe egter op hoogte hou indien reëlins verander.

Ons vra intussen vir die volgende jaargroepe (1971,1981,1991, 2001 en 2011) om foto's en stories aan mnr. Rauch by wrauch@framesby.co.za te stuur.

Mnr. Rauch beoog om weer 'n gedenkblad vir die jare se reünie-groepe saam te stel. Ons vra ook dat die hoofleiers van elke jaargroep met hom sal kontak maak.



FRAMESBY OUDSKOLIERE (FOS)

Beste Oudskolier


Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOON NOMMER:
- E-POSADRES:

U inligting bly hoogs vertroulik. Die rede hoekom ons u ID nommer benodig is om te verhoed dat ons duplikate op ons sisteem stoor.

UIT DIE ARGIEWE:

Sportster van die kwartaal:



Mari Clasen

Erika is 'n graad 11-leerling en voorwaar 'n ster om mee rekening te hou. Sy het prestasies in die swembad behaal wat 'n mens na jou asem laat snak. Met reeds 120 verskillende medaljes en 58 sertifikate en 20 trofee in haar besit, het sy baie om op trots te wees. Sy swem al die afgelope elf jaar en het die eerste keer in 1995 OP kleure verwerf. Sy

het sedert 1998 by die Suid-Afrikaanse Junior Kampioenskappe in die finale geswem en verskeie eerste plekke verower. Dit op sigself is 'n groot prestasie, want daar is baie uitdunne en semi-finale voordat jy by die finale uitkom!

Erika is nie net 'n ster in die swembad nie, maar ook in die see en in die rivier. Glo dit as jy wil maar, sy was

Erika Scheepers

tweede van die vroue in die Redhouse-riviermy!! Sy het ook uitstekende prestasies behaal as lewensredder. Die medaljes is sommer ingeryg.

Erika is reeds vereer as Radio Algoa se "Sportster van die week" en "Swemmer van die maand" in die OP in November 2000. Sulke prestasies val nie uit die lug nie. As jy na Erika se oefenprogram kyk, styg jou bewondering vir haar met 'n hele paar grade! Maandae tot Vrydae oefen sy 'n asemrowende 3½ uur per dag en gaan draf nog boonop in die middag. Saterdag swem sy gala s of oefen weer 2 tot 2½ uur in die swembad. Dit is ongeveer 6 – 7 km in die water – verseker meer as wat die meeste Framesby-leerlinge kan hardloop.

Desembermaand wanneer ons lekker by die see lê en lui word, oefen sy drie maal per dag, altesaam 6½ ure lank en dus tussen 16 en 19 km per dag.

"Een van die hoogtepunte 'n my lewe was toe ek saam met Penny Heyns in Kaapstad geswem het en dit uitgesaai is oor die Nuus op TV". Sy het die hele Olimpiese span van 2000 ontmoet en het al saam met al die groot name geswem – Sarah Poewe inklusief!

Sy wil graag eendag haar eie swemskool begin en kleintjies leer swem. Sy is egter lief vir enige sportsoort en is aktief dwarsdeur die jaar. "Ek is ook baie lief vir diere en om saam met my vriende en familie uit te gaan", het Erica gesê. Ouens, as julle haar wil uitneem vir ete: sy is mal oor pasta, steak en chips!

Anna-Mart hou kop bo water


Nadia van Vuuren

Op 14 Februarie, terwyl die meeste van ons die dag saam met 'n geliefde deurgebring het, het die volgende leerlinge gekwalifiseer vir die OP Hoërskole swemspanne: Anna-Mart Coetzee, Dirkie Coetzee, Erika Scheepers, Anton Snyman en Luzanne Kilian.

Yolande Matthee het ook haar OP-kleure verwerf by die Klub Kampioenskappe.

Asof Erika Scheepers se duikprestasie nie fenomeenaal genoeg was nie, is sy ook genooi om aan die Nasionale Kampioenskappe deel te neem saam met Shane Harris.

Anna-Mart Coetzee (regs) se duikslag laat merige snak na hul asem.




UIT DIE ARGIEWE:

Zevensters skitter met seil

Gerrie Lombard

Gee vir die twee broers 'n oop stuk water, 'n seiljag en 'n stewige bries en hulle is in hulle element: Framesby se twee nuutste Spingbokke, Waldo (st.9) en Dieter (st.6) Zevenster. Hulle het by die nasionale seiljag kampioenskappe wat onlangs in Oos-Londen gehou is, 'n derde plek in die Mirror klas verower en sodoende Springbokkleure verwerf. Hoe raak 'n mens betrokke by so 'n ongewone sportsoort?

Die broers wou twee jaar terug aanvanklik "windsurfing" probeer, maar nadat hulle 'n advertensie vir 'n kursus in seiljag in die koerant raakgelees het, kon niks hulle stuit nie. Hulle het die kursus bygewoon en sodoende die basiese seiljagvaardighede aangeleer. Om 'n boot te kry, was nie vir die Zevensters 'n probleem nie, want met hul pa se hulp bou hulle toe daar en dan hul eie seiljag en sluit aan by die Red House klub.



Waldo en Dieter Zevenster op hul seiljag besig om te oefen vir dit wat voorlê. **INLAS:** Dieter en Waldo met hul medaljes.

Hulle oefen elke naweek op die Swartkopsrivier en Dinsdae ontvang hulle afrigting. Die twee geniet dit om so saam te seil, al spat die vonke soms en gaan dit by tye maar stormagtig. Elkeen het sy spesifieke taak - Waldo stuur die boot en beheer die hoofseil terwyl Dieter

die kleiner seil beheer. Ongelukkig sal hulle nie lank meer kan saam seil nie, want die gesamentlike massa van die twee bemanningslede moet verkieslik nie 100 kg oorskry nie.

Hulle neem binnekort deel aan die wêreldkampioenskappe wat in Saldanahbaai gehou word.

Jacques Radder beleef 11 September 2001

Case van der Touw

Wat maak Jacques Radder anders as ons ander matrieks? Die feit dat hy 'n uitruilstudent vyf maande lank in die USA was en ook die terreuraanvalle in Amerika op 11 September 2001 beleef het. Forum het met hom gaan gesels om eerstehands uit te vind hoe hy en die ander Amerikaanse burgers gereageer het op die aanvalle.

Jacques sê hy het aanvanklik baie veiliger in die USA gevoel as in Suid-Afrika, want die geweld is baie minder in Amerika. "Ek het nooit verwag dat so iets kon gebeur nie. Dit was heeltemal 'weird'."

Jacques het die eerste keer van die aanvalle gehoor net voor hulle op pad skool toe was. "Ek weet nog steeds nie hoekom nie, maar net voor ons die oggend skool toe is, het ons die TV aangeskakel. Op daardie tyd was die eerste vliegtuig die "Twin Towers" net getref en die een toring was aan die brand. Ek het gedink ek moes nou enige oomblik wakker word, want dit het net soos 'n droom gevoel. Die ergste was toe die tweede vliegtuig die gebou tref. Dit was so 'n hengse skok. Ek dink nie enigiemand kon dit glo nie."



Volgens Jacques was die Amerikaners heeltemal "freaked out". Hy sê dit het die Amerikaners se oë definitief laat oopgaan. "Hulle het gedink hulle is onkwesbaar en dat so iets nooit met hulle kon gebeur nie."

In Polson (sy tuisdorp) en die res van Montana was dit nie juis soos in New York nie. Mense het normaal aangegaan en het nie die heeltid binne hulle huise gebly uit vrees vir nog aanvalle nie. Jacques sê daar is niks so merkwaardig in Montana soos in New York wat terroriste se aandag sou trek nie. Die kinders en onderwysers het wel omtrent vir 'n volle twee dae die aanvalle in die skool bespreek.

Na die aanvalle wou elke Amerikaner net naby sy familie wees. "Ek wou nie juis dadelik huis toe gaan nie. Ek het redelik veilig gevoel, want Montana is 'n volle vyf en 'n half uur se vlug vanaf New York en Washington."

Jacques sê hy sal enige tyd weer New York toe gaan. "Nadat ek in Amerika aangekom het, was ek in New York vir 'n halfdag toer. Ek het foto's geneem van die Wêreldhandelsentrum en die Empire State-gebou. Dit is verskriklik mooi in die Empire State-gebou."

Die aktiwiteit wat Jacques die meeste geniet het, was ski. As hy 'n vergelyking moes tref tussen Suid-Afrikaners en Amerikaners, is die Suid-Afrikaners baie vriendeliker. "Amerikaners is verskriklik trots en hulle hou van hulles privaatheid en partykeer is hulle nogal ongeskik!"

POSTNET

SUNRIDGE VILLAGE
Tel: 041 360-7441
sunridge@postnet.co.za

A M A Z I N G

Specials on
Printing
For Teachers
and Students

as well as free internet use

